

《佛說無量壽經》 補充講表

◎附表十五：以下糅合《佛說無量壽經甄解》

○第十九願：設我得佛，十方眾生，發菩提心，修諸功德，至心發願，欲生我國，臨壽終時，假令不與大眾圍繞，現其人前者，不取正覺。

「臨壽終時」者，即明其時，《安樂集》引《大論》云：「一切眾生臨終之時，刀風解形，死苦來逼，生大怖畏。又若人臨終時生一念邪見，增上惡心即能傾三界之福，即入惡道也。」

《稱讚淨土佛攝受經》言：「是善男子或善女人臨命終時，無量壽佛與其無量聲聞弟子菩

薩眾俱，前後圍繞來住其前，慈悲加祐，令心不亂，既捨命已

隨佛眾會，生無量壽極樂世界清淨佛土。」

※凡命終有三位：一、明瞭心，通起三性心；二、自體愛心，唯有覆無記心；三、最後不明了心，唯有異熟無記心。此中見佛即在明瞭心位，具如《釋淨土群疑論》。

※今言「假令」者例餘願，與「若」字同。若不現者，成必現之義也。

「現其人前」者，現有二種：一、來現，謂臨終始來現迎接故；二、顯現，謂不臨終始來，平生證得時蒙攝取近緣益，常來至此行人之處，至臨終果縛盡時，而已來佛菩薩等顯現於此也。

○第二十願：設我得佛，十方眾生，聞我名號，繫念我國，植眾德本，至心迴向，欲生我國，不果遂者，不取正覺。

「繫念」者，繫，束也。即念念相續不息也，非才萌遠緣之義也。

「植諸德本」者，《小經》意謂念佛為多善根，萬善圓備，眾善之根本，故名「善本」；十方三世德號之本，故名「德本」。今舉德本攝善本，「諸」之言指十方三世諸佛，「德」謂德號，「本」猶根。此名號是諸佛德號之根本，故諸德之本名「德本」。

○第二十一願：設我得佛，國中天人，不悉成滿三十二大人相者，不取正覺。

《吳譯》(十五)云：「令我國中諸菩薩身，皆紫磨金色，三十二相，八十種好，皆令如佛。」

※三十二相：係轉輪聖王及佛之應化身所具足之三十二種殊勝容貌，與微妙形相。又作「三十二大人相」、「三十二大丈夫相」、「三十二大士相」、「大人三十二相」。簡稱大人相、大士相、大丈夫相、四八相。與八十隨形好（微細隱密者），合稱相好；即大相名相，細相名好。

※如來應身之體現此三十二相，以表法身眾德圓極，使見者愛敬，知有勝德可崇，人天中尊，眾聖之主。但相總而好別，相若無，好別不圓滿。輪王、釋梵亦有相，以無好故相不微妙，故次相而辨也。

※《大智度論》卷四云：「一一相，百福德莊嚴。」

又云：「復有人言：是福不可量，可以譬喻知：如三千大千世界一切眾生皆盲無目，有一人能治令差，是為一福。……一切人破戒、正見，一人能教，令得淨戒、正見，如是等為

一福。」

○第二十二願：他方佛土諸菩薩眾，來生我國，究竟必至一生補處。：使立無上正真之道，超出常倫諸地之行，現前修習普賢之德。若不爾者，不取正覺。

《宋譯》云：「世尊！我得菩提成正覺已，所有眾生令生我剎，若有大願未欲成佛為菩薩者，我以威力，令彼教化一切眾生，皆發信心，修菩提行、普賢行、寂滅行、淨梵行、最勝行及一切善行，悉皆令得阿耨多羅三藐三菩提。」（第十六願）

一生補處：再一生就能補到佛位的意思，如現在居於兜率天的彌勒菩薩（等覺菩薩）。尚有一品生相無明未破，此品無明其力最大，最後以金剛智破之，即補妙覺之處。

※「被弘誓鎧」，即彼第一「披甲精進」也；「積累德本」，即彼第二「攝善精進」也；乃積功累德（積聚福智資糧）以為因本。「度脫一切」，即彼第三「饒益有情精進」也。

「無上正真之道」者，阿耨多羅三藐三菩提也。「超出常倫諸地之行」：常倫諸地：指三賢

十地。三賢：十住、十行、十迴向。安養界內，菩薩超越出過常途行位，不自一地至一地，一地處同時十地地行炳然現前。

「普賢之德」：體性周遍曰普，隨緣成德稱賢。懺雲老和尚於《十大願王旨要開示》指出

「普：普為十方。賢：謙自稱賢而不稱聖。」《普賢行願品》云：

「願身口意恆清淨，諸行剎土亦復然；如是智慧號普賢，願我與彼皆同等。」

○第二十三願：國中菩薩，承佛神力，供養諸佛，一食之頃，不能徧至無數無量億那由他諸佛國者，不取正覺。

《唐譯》云：「若我成佛，國中菩薩，每於晨朝，供養他方乃至無量億那由他百千諸佛，

以佛威力，即以食前，還到本國，若不爾者，不取菩提。」

「徧至」者，顯無有一佛土而不至，身不動而至，如日在天上，影現百川，一心一念徧至無前後。

《宋譯》云：「世尊！我得菩提成正覺已，我居寶剎所有菩薩，發大道心，欲以真珠瓔珞、寶蓋幢幡、衣服臥具、飲食湯藥、香華伎樂、承事供養他方世界無量無邊諸佛世尊，而不能往。我於爾時，以宿願力，令彼他方諸佛世尊，各舒手臂，至我剎中，受是供養，令彼速成阿耨多羅三藐三菩提。」（第二十願）

《宋譯》云：「世尊！我得菩提成正覺已，我居寶剎所有菩薩，隨自意樂，不離此界，欲以真珠瓔珞、寶蓋幢幡、衣服臥具、飲食湯藥、香華伎樂、供養他方無量諸佛，又復思惟：【如佛展臂至此受供，劬勞諸佛，令我無益。】作是念時，我以神力，令此供具自至他方諸佛面前，一一供養。爾時菩薩不久悉成阿耨多羅三藐三菩提。」（第二十一願）

○第二十四願：國中菩薩，在諸佛前，現其德本，諸所求欲供養之具，若不如意者不取正覺。

《往生論》云：「雨天樂花衣，妙香等供養，贊諸佛功德，無有分別心。」

「現其德本」：謂此菩薩功德智慧廣大，故種種供具自然至；功德是本，依此德本現供具。

○第二十五願：設我得佛，國中菩薩，不能演說一切智者，不取正覺。

《宋譯》云：「世尊！我得菩提成正覺已，我剎土中所有菩薩，皆得成就一切智慧，善談

諸法祕要之義，不久速成阿耨多羅三藐三菩提。」（第十八願）

※明願意者，見或國土，菩薩雖遍至十方，供養供具自在，而說法不隨順佛智，化益不普，故興此願，國中菩薩說法如佛故。

※單說一切智，指佛智。若言如《大論》所說三智：「一切智（空）、一切種智（中）、道種智（假）。」一切智指聲聞智，道種智屬菩薩智，一切種智屬佛智。

○第二十六願：設我得佛，國中菩薩，不得金剛那羅延身者，不取正覺。

《宋譯》：「我居寶剎所有菩薩，身長十六由旬，得那羅延力，身相端嚴，光明照曜，善根

具足。」《寶積經》六十九：「敬禮善逝、應供、那羅延力大導師。」

「金剛」是堅固不壞義，通身心體。「那羅延身」者，身心力勇猛精進義。

○第二十七願：國中天人，一切萬物，嚴淨光麗，形色殊特，窮微極妙，無能稱量。其諸眾生，乃至逮得天眼，有能明了，辨其名數者，不取正覺。

《唐譯》云：「若我成佛，周遍國中諸莊嚴具，無有眾生能總演說，乃至有天眼者，不能了知所有雜類形色光相；若有能知，及總宣說者，不取菩提。」

※佛福力無量，所感莊嚴隨無盡也，一一光明，一一名數，實可無限量。無漏萬德所現，誰辨名數，此願總顯依報國土極妙耳。

嚴淨光麗：德無不滿曰「嚴」，垢無不盡曰「淨」。「光」不但光華，亦顯光赫焜（音昆也）

耀之義，麗，王逸注《楚辭》曰：麗，美好也，顯微妙奇麗義。

形色殊特：一一形體（形色）色相（顯色），超踰十方，絕倫非世所有。

窮微極妙：顯一法句，一法句者謂真實智慧無為法身。指一切萬物色相莊嚴悉法身，即事而性；雖即是性，即是第一義諦妙境界相（真空妙有）。

《佛說阿彌陀經要解》云：「問：寂光惟理性，何得有此莊嚴？答：一一莊嚴，全體理性，

一一理性，具足莊嚴，方是諸佛究竟依果。若寂光不具勝妙五塵，何異偏真法性！」

第二十八願：國中菩薩，乃至少功德者，不能知見其道場樹無量光色，高四百萬里者，

《唐譯》云：「若我成佛，國中具有無量色樹，高百千由旬，諸菩薩中，有善根劣者，若不能了知，不取正覺。」※今彌陀成道之樹名「道場樹」也，知見之者，利他無邊。

※《維摩》〈菩薩行品〉云：「有以菩提樹而作佛事。」《筆注》曰：「佛於樹下成道，樹名『菩提』。此樹光無不照，香無不薰，形色微妙，隨所好而見，樹出法音，隨所好而聞，此如來報應樹也，眾生遇者，自然悟道。」

※不了佛智者，其功德薄少故，僅知見四百萬里道樹，不能見無量道樹；其多功德者，見無能稱量道樹，無有分量。今且舉少功德者所見，故有四百萬里分量。

※知見：對光色且舉見益，實六塵總有益，故《唐譯》云「了知」。